

卷五百五十五

南掌 蘇祿 日本 呂宋

卷五百五十六

緬甸 暎咭喇 整欠 葫蘆國
馬辰

卷五百五十七

港口 廣南 柔佛 彭亨 丁機奴
暎國 暎國 嘛六甲 宋臘勝

卷五百五十八

合貓里 美洛居 汶萊 榜葛刺
拂蘇 古里

卷五百五十九

柯枝 錫蘭山 西洋瑣里 啞齊
南勃利 占城 東埔寨

卷五百六十

噶喇巴 淳泥 麻葉靈 舊港
法蘭西

嘉慶重修一統志

大清一統志

南掌

在雲南省東南東至水尾界南至安南界西至安遠界北至車里界其貢道由雲南以達於

京師

建置沿革古越裳氏地自周以來不通中國其夷佩雕瓜為飾俗呼為撾家明永樂三年始備方物入貢置老撾軍民宣慰使司嘉靖間緬人破其東之纓掌亦名南掌蓋老撾部屬之最荒遠者

本朝雍正八年南掌國遣頭目叭猛花等奉表貢象二隻請定貢期奉

旨五年一貢

賜之敕諭並文綺等物。令使臣齎奉回國。九年奉表入謝。

乾隆元年

上以南掌辭處天末。遠道致貢。未免煩勞。定為十年一貢。
二十六年。南掌國王准第駕公滿。遣使齎表慶祝
萬壽。與例貢馴象二隻同進。三十六年亦如之。四十六年。
南掌國王召翁。遣使臣呈進年貢。並慶祝

聖壽。進馴象四隻。五十八年。以例進象隻為數已多。檄知
南掌等國。免其呈進。以省該國購覓之勞。六十年。
南掌國王召溫猛。恭逢

國慶。遣使祝釐。

特頒敕諭並

允所請。

賞駱駝馬騾各二。召溫猛於乾隆五十九年請封。已在播遷之際。祇受

敕印後。仍未能返其國都。流寓越南昭晉州地方。嘉慶十四年。越南國王阮福映遣員恭繳

敕印。邊臣查明情形具奏。

上以召溫猛懦弱不振。在外流徙。遺棄敕印。豈能復掌國事。聽其在越南居住。內地不應收留。二十四年。南掌國長召蟒塔度腊遣使進貢。籲懇封號。

上准所請

錫之敕印。

先是召溫猛流徙越南時其伯召蛇榮執掌國事嘉慶四年十二月度修職貢十四年越南國

王表稱召溫猛流寓該國十有餘載不敢歸國繳呈，敕印。

其流離不加聲責該國事聽其以召蛇榮代辦茲召蛇榮之子召蟒塔度臘後修職貢敬懇封號奉

再行頒給敕封以示懷柔嗣後貢期如前。

風俗民皆百夷性獷悍身及眉目皆刺花

明統志其酋長有三

等。大曰招木弄次曰招木牛又次曰招化而為宣慰者即招木弄也居高樓其上寬廣見人不下樓

而部屬見即所至之地各為等限使客亦然官長紅而設通使引之以至其地不差尺寸云

中紅衣老撾黑帽青衣老撾俗呼撾家南掌夷民

也。皇清職貢圖貴者披髮覆肩紅巾紅衣婦人則挽髮束以紅帛短衣長裙老撾帶黑漆帽

著青袍以疋布繞下體婦女以白布抹額
繫花布桶裙跣足啖生肉知耕種勤紡織

〔土產象〕

貢


海貝

犀牛

乳香

西木香

訶子



大清一統志

蘇祿

在東洋海中地近淳泥閣婆其貢道由福建以達於京師

〔建置沿革〕自古荒服之地不通中國相傳其國分東

西峒三王而以東王為尊

續文獻通考

明永樂十五年

其國東王巴都噶叭哈刺西王麻哈刺叱葛刺麻

丁峒王妻叭都葛巴都刺卜並率其家屬頭目來

朝貢進金鏤表文獻珍珠寶石玳瑁諸物因並封

為國王賜印誥襲衣冠帶及鞍馬儀仗器物居二

十七日三王辭歸其東王次德州卒於館帝遣官

賜祭命有司營葬勒碑墓道謚曰恭定留妻妾僉

從十八守墓。畢三年喪遣歸。乃遣使齎敕封其長子都馬舍為蘇祿國王。十八年西王遣使入貢。十九年東王母遣王叔叭都加蘇里來朝貢大珠一其重七兩有奇。二十一年東王妃還國厚賜遣之。明年入貢。自後不復至。

本朝雍正四年福建巡撫奏蘇祿國王母漢末母拉律林遣使喇噠祿達臣襲廷綵副使巴祿達臣阿石丹航海奉表貢獻方物。五年其貢使至京。因

欽頒敕諭一道給賜國王。即令來使齎奉還國。定例五年一貢。十一年該國王以伊祖東王德州墳墓及其

子孫存留調恤之處奏懇修理給復

上允之

禮部議蘇祿國東王巴都噶以哈喇於明永樂間來朝貢歸至德州病故賜諡恭定長子都馬哈歸國襲封次子安都祿三子溫哈喇留居守墓其子孫以祖名為安溫二姓今該國王陳詞懇切應如所請飭查王墓所有神道享亭牌坊修理整飭於安溫二姓中各遣一人奉祀給頂帶永為例疏入報可

乾隆五年該國遣番丁護送遭風商人回

內地

諭旨嘉獎八年貢使馬明光等至奏請三年後復修朝貢

奉

旨仍遵舊定五年一貢之例十九年該國請以戶口人丁

編入中國圖籍二十七年國王蘇老丹麻末案柔

噉遣使入貢。蘇祿之西為吉里間。又西為朱葛噉。喇皆在息力山之北。息力山廣大不可測。人跡恒不至焉。

風俗地瘠寡粟。麥。民率食魚蝦。煮海為鹽。釀蔗為酒。

織竹為布。

明史其國氣候常熱有珠池夜望之光浮水面土人以珠與華入市易大者利

數十倍商船將返輒留數人為質冀其再來尤同外國傳云今賈船所至城頗據天險巖洞王所都聚落不滿千家所食魚蝦螺蛤織竹男以絳帛繫

腰女以幅錦披肩。

取蚌珠為業不食豕肉翦髮裹

頭去鬚留髻衣袴俱短絳帛繫腰露脰而著屣女椎髻跣足短衣長裙以幅錦披肩

土產珍珠

玳瑁

描金花布


金頭牙薩

燕窩

白洋幼布 蘇山竹布 龍頭花刀 夾花標

槍 滿花番刀 藤席 猿

以上俱
入貢



大清一統志

日本在東海中

建置沿革古倭奴國後改名日本以近東海日出而

名也地環海惟東北限大山相傳有五畿七道三

島共一百十五州統五百八十七郡其小國數十

皆服屬焉魏志自拘邪韓國渡一海千餘里曰瀚海國又對

渡一海千餘里曰末盧國東南陸行五百里曰彌國又

都國又東南百曰投馬國又南水行十日陸行一

月至邪馬臺國即大倭王所都自是而東南曰

斯馬國已百支國伊邪國郡支國彌奴國好古都

國不呼國姐奴國對蘇國蘇奴國呼邑國華奴國

鬼國為吾國奴國邪馬國躬臣

國已利國支維國皆倭所屬

後漢建武中元二

年。始入貢。安帝永初元年。倭國王帥升等獻生口。

桓靈間。倭國大亂。更相攻伐。三國魏明帝景初二

年。倭女王卑彌呼遣大夫詣京都貢獻。魏以為親

魏倭王。假金印紫綬。隋文帝開皇二十年。遣使詣

關。通典倭王姓阿每名目多利思比孤其國號阿

輦雖彌華言天兒也遣使詣關其書曰日出處

天子致書曰沒處天子無恙云云文帝覽之不

悅謂鴻臚卿曰蠻夷書有無禮者勿復以聞唐

貞觀五年。命新州刺史高仁表持節撫之。浮海數

月方至。仁表與其王爭禮。不宣朝命而還。由是遂

絕。武后長安二年。遣其大臣朝臣真人貢方物。通典

真个猶中國地官尚書也頗讀經史解屬文冠進

德冠其項百花分而四散身服紫袍以帛為腰帶

容止溫雅朝廷異之。拜為司膳員外郎。開元初又遣使來朝因請儒

士授經詔四門助教趙元默就鴻臚寺教之嗣後

朝貢不絕。宋雍熙元年日本國僧裔然與其徒五

人浮海而至太宗召見存撫之甚厚賜紫衣館於

太平興國寺。

宋史其國多有中國典籍裔然之來復得孝經一卷越王孝經新義第十

五一卷皆金鏤紅羅襪水晶為袖孝經即鄭氏注者越王為唐太宗子越王貞新義記室參軍任希

古等撰也。裔然復求詣五臺許之令所過續食又求印

本大藏經詔給之元世祖至元八年祕書監趙良

弼奉使日本諭令入朝不受命乃命實都

實都舊作折都

正合改范文虎等帥舟師十萬征之至五龍山遭暴

風軍盡沒。後屢招不至。終元世不相通。明洪武初。往往入寇。遣行人楊載詔諭其國。日本王良懷不奉命。三年。遣萊州府同知趙秩責讓之。四年。日本國王良懷遣其僧祖朝進貢。詔賜文綺答之。未幾復入寇海上諸郡。十四年。命禮官移書責之。良懷答書不遜。帝怒甚。然終以道遠不遽加兵。二十年。命江夏侯周興往福建海濱四郡相視形勢。築城一十六。又命信國公湯和行視浙東西諸郡。築城五十九。整飭海防。自是海上之警漸息。永樂以後。日本雖屢遣入貢。然其各島諸倭。歲常侵掠。嘉靖